

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17) i čl. 229. i 248. Zakona o bankama ("Službene novine Federacije BiH", broj: 27/17), Upravni odbor Agencije za bankarstvo Federacije Bosne i Hercegovine, na sjednici održanoj 13.10.2017. godine donosi

ODLUKU O USLOVIMA KADA SE BANKA SMATRA NESOLVENTNOM

Član 1.

Ovom odlukom se bliže propisuju uslovi kada je vrijednost svih obaveza banke veća od vrijednosti aktive banke odnosno kada se banka smatra nesolventnom.

Član 2.

- (1) Vrijednost obaveza iz člana 1. ove odluke predstavlja stanje svih obaveza koje se prikazuju u bilansu stanja banke na izvještajni datum.
- (2) Vrijednost aktive iz člana 1. ove odluke predstavljaju:
 - a) iznos vrijednosti aktive banke procijenjen u skladu sa Odlukom o minimalnim standardima za upravljanje kreditnim rizikom i klasifikaciju aktive banaka, Odlukom o izračunavanju kapitala banke, te drugim primjenjivim propisima, odnosno iznos aktive koji se prikazuje u bilansu stanja banke na izvještajni datum, umanjen i za iznos nedostajućih potrebnih rezervi za kreditne gubitke po regulatornom zahtjevu i druge gubitke; i
 - b) iznos viška realno procijenjenih prihoda nad rashodima banke u periodu do najkasnije kraja tekuće poslovne godine.

Član 3.

Danom stupanja na snagu ove odluke prestaje da važi Odluka o uslovima kada se banka smatra nesolventnom ("Službene novine Federacije BiH", broj: 3/03).

Član 4.

Ova odluka stupa na snagu osmog dana od dana objavljivanja u "Službenim novinama Federacije BiH".

**Broj: U.O.-08-21/17
Sarajevo, 13.10.2017. godine**

**PREDSJEDNICA
UPRAVNOG ODBORA**

mr. sc. Ljerka Marić, dipl.ecc., s.r.